



PEJABAT KETUA PENGARAH PELAJARAN MALAYSIA  
*Office of Director-General of Education Malaysia*  
ARAS 8, BLOK E8  
*Level 8, Block E8,*  
KOMPLEKS KERAJAAN PARCEL E  
*Government Complex Parcel E,*  
PUSAT PENTADBIRAN KERAJAAN PERSEKUTUAN  
*Federal Government Administrative Centre*  
62604 PUTRAJAYA

Tel: 03-8884 6077  
Fax: 03-8889 4548  
Laman web: <http://www.moe.gov.my>

KP(BS-Dsr)201/002/1 Jld.2( 2 )  
25 Mac 2009

Semua Pengarah Pelajaran Negeri,

YBhg. Datuk/Dato'/ Datin/Tuan/Puan,

**SURAT PEKELILING IKHTISAS BIL. 2/2009**  
**PENGUATKUASAAN LARANGAN MEMBAWA DAN MENGGUNA TELEFON**  
**BIMBIT OLEH MURID DI SEKOLAH**

Jawatankuasa Induk Menangani Gejala Disiplin Murid, Kementerian Pelajaran Malaysia yang bermesyuarat pada 17 Mac 2009 mendapati bahawa larangan membawa dan mengguna telefon bimbit oleh murid-murid di sekolah tidak dikuatkuasakan sepenuhnya oleh pihak sekolah.

2. Akibat daripada itu pelbagai masalah disiplin seperti kes kecurian, pergaduhan serta penyebaran bahan-bahan maklumat yang boleh mempengaruhi perlakuan yang negatif dalam kalangan murid sekolah yang berkaitan terus dengan penggunaan telefon bimbit kian meningkat. Disamping itu juga penggunaan telefon bimbit oleh murid di sekolah telah mengganggu kelancaran proses pengajaran dan pembelajaran mereka.

3. Sehubungan itu, Kementerian Pelajaran Malaysia telah membuat ketetapan agar **larangan penggunaan telefon bimbit oleh murid di dalam kawasan sekolah** termasuk asrama sekolah hendaklah dikuatkuasakan sepenuhnya oleh pihak sekolah dengan **serta merta**. Bagi menguatkuasakan larang tersebut pihak sekolah hendaklah mengambil langkah-langkah berikut:

- 3.1 Peraturan larangan penggunaan telefon bimbit oleh murid di sekolah hendaklah dimaklumkan kepada semua ibu bapa murid.
- 3.2 Pihak sekolah hendaklah memaklumkan dan memberi kefahaman kepada ibu bapa perkara berkaitan larangan ini menerusi mesyuarat PIBG dan mesyuarat permuafakatan peringkat sekolah.
- 3.3 Jika sekiranya ada murid yang melanggar peraturan ini, maka pihak sekolah boleh mengambil dan menyimpan telefon bimbit murid berkenaan.

- 3.4 Semua telefon bimbit yang diambil oleh pihak sekolah akan direkodkan dan disimpan di tempat yang selamat oleh pihak sekolah. Rekod kes perlu mengandungi maklumat;
- i. Tarikh, masa dan tempat telefon bimbit diambil;
  - ii. Jenis telefon bimbit yang diambil;
  - iii. Nama murid, nombor kad pengenalan serta tandatangan mereka;
  - iv. Nama guru yang mengambil telefon bimbit tersebut;
  - v. Nama ibu bapa, nombor kad pengenalan, tarikh, masa serta tandatangan ketika mengambil semula telefon bimbit anak mereka;
- 3.5 Ibu bapa murid yang terlibat akan dimaklum dengan segera, sebaik-baiknya pada hari yang sama, akan tindakan yang telah diambil terhadap anak mereka.
- 3.6 Ibu bapa juga hendaklah dimaklumkan bahawa mereka boleh menuntut semula telefon bimbit anak mereka daripada simpanan pihak sekolah.
- 3.7 Dalam kes-kes kecemasan, murid-murid hendaklah mengguna kemudahan-kemudahan telefon yang disediakan oleh sekolah.

4. Membawa dan menggunakan telefon bimbit di sekolah dan asrama sekolah oleh murid-murid adalah merupakan satu kesalahan disiplin. Murid-murid yang telah sah didapati melanggar peraturan tersebut boleh diambil tindakan disiplin dengan mengenakan hukuman seperti berikut;

<b>Kesalahan Kali Pertama</b>	Diberi Amaran (murid dan ibu bapa perlu menandatangani Surat Aku Janji tidak mengulangi lagi perbuatan tersebut).
<b>Kesalahan Kali Kedua</b>	<p>Dilarang menggunakan kemudahan di sekolah atau asrama atau mengambil bahagian dalam program atau aktiviti sekolah. Kemudahan, program atau aktiviti yang boleh dilarang sebagai hukuman termasuklah yang berikut;</p> <ol style="list-style-type: none"> <li>(a) tidak dibenar menggunakan kemudahan di perpustakaan, di pusat sumber atau apa-apa kemudahan lain untuk suatu tempoh tertentu;</li> <li>(b) tidak dibenar keluar daripada asrama pada mana-mana satu cuti hujung minggu atau cuti am;</li> <li>(c) tidak dibenar mengikuti program sekolah seperti perkhemahan dan lawatan untuk suatu tempoh tertentu; dan</li> <li>(d) tidak dibenar menggunakan kemudahan sukan atau mengambil bahagian dalam aktiviti kokurikulum atau pertandingan sukan untuk suatu tempoh tertentu.</li> </ol>

5. Sila maklumkan kandungan Surat Pekeliling Ikhtisas ini kepada semua yang bertanggungjawab di bawah Jabatan pelajaran Negeri, Pejabat Pelajaran Daerah, Pengetua dan Guru Besar di bawah pentadbiran YBhg. Datuk/Dato'/ Tuan/Puan.

Sekian, terima kasih.

**"BERKHIDMAT UNTUK NEGARA"**

**DATO' HJ. ALIMUDDIN BIN HJ. MOHD DOM**  
Ketua Pengarah Pelajaran Malaysia

s.k.

1. YB. Dato' Seri Hishammuddin b. Tun Hussein  
Menteri Pelajaran Malaysia
2. YB. Datuk Ir. Dr. Wee Ka Siong  
Timbalan Menteri Pelajaran
3. Ketua Setiausaha  
Kementerian Pelajaran Malaysia
4. Timbalan-Timbalan Ketua Setiausaha  
Kementerian Pelajaran Malaysia
5. Timbalan-Timbalan Ketua Pengarah Pelajaran
6. Pengarah-Pengarah Bahagian  
Kementerian Pelajaran Malaysia
7. Pengarah  
Institut Aminuddin Baki
8. Ketua Jemaah Nazir Dan Jaminan Kualiti  
Kementerian Pelajaran Malaysia
9. Penasihat Undang-Undang  
Kementerian Pelajaran Malaysia
10. Pegawai Perhubungan Awam  
Kementerian Pelajaran Malaysia